



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600042487V

1833.796





O KE

**A N A H O N U A,**

HE MEA IA

**E AO AI I KE ANA**

I NA MEA A PAU.




**O A H U:**

**MEA PAI PALAPALA A NA MISIONARI.**

.....

**1833.**



## ANAHONUA.



O ka mea e ike ai i ke ana i na papa, a me ka lole, a me ka pepa, a me ka aina, a me ka wahie, a me na pa, a ia mea aku ia mea aku, ua kapaia'ku ia, he *Anahonua*.

I mea e maopopo ai ke ano o ia mau mea, pono e nana i na *kiko*, a me na *kaha*, a me na *huina*, a me na *ili*, a me na *paa*.



### NO NA KIKO.

O ke *kiko*, he mea hoike wale mai no ia. Aole ona loa, aole ona laula. Ua like no ia me ka maka kuikele, a me ke pina, a me ke kiko uuku ma ka pepa, penei:—(.)

O na poo o na kaha a pau, he kiko no ia.

O kahi i hui ai na kaha a pau, he kiko no ia.

*He Wahi Ninau.*

Ehia kiko o ke kaha hookahi? —————

Ehia kiko o na kaha elua, ke huiia laua?





Ehia kiko o na kaha elua, ke lilo laua i kea?



Ehia kiko o ka hua l uuku?

Ehia kiko o ka A nui?

Ehia kiko o ke K nui?

Ehia kiko o ka S?

Ehia kiko o ka W?

#### NO NA KAHA.

He loa wale no ko ke *kaha*; aole laula, aole manoanoa. Ua hanaia na kaha ma ka hoonee ana i ke kiko, me he penikala la.

Elua wale no ano o na kaha a pau loa, he *pololei* kekahi, he *kekee* kekahi.

Ina i panee ae ke kiko me ka hooluli ole i kona hele ana, ua lilo ia i kaha pololei. Penei:—


A ina no i hooluli ke kiko i kona hele ana, ua lilo ia i kaha kekee. Penei:—

Aia na kaha a pau ma ke *kaulike* kekahi, ma ke *kupono* kekahi, ma ka *hio* kekahi, a ma ka *iliwai* kekahi.

Ina i moe like kekahi mau kaha, aole i hui pu, aole hoi i kaawale ae, alaila, he *kahakaulike* ka inoa. Penei:—



Ina e ku pono kekahi kaha maluna o kekahi kaha, aole hio ma kela aoao, aole hoi ma keia aoao, alaila, o *kahakupono* ka inoa o ia kaha. Penei:—



Ina moe kekahi kaha e like me ka ili wai, a o ka ili honua paha, ua kapaia'ku ia he *kahailiwai*, me he kua hale la; me he kihi la hoi o ka papaaina.

O na kaha a pau, aole kau like, aole ku pono, aole hoi kahailiwai, he *kahahio* wale no ia. Penei:—



*He Wahi Ninau.*

Pehea ka aoao o ka wati, he pololei anei, he kekee paha?



600042487V

1833.796

7

100

100

100

100

100

100

100

100



O KE

# ANAHONUA,

HE MEA IA

E AO AI I KE ANA

I NA MEA A PAU.



OAHU:

MEA FAI PALAPALA A NA MISIONARI.

.....

1833.



O KE

# A N A H O N U A,

HE MEA IA

E AO AI I KE ANA

I NA MEA A PAU.



O A H U:

MEA PAI PALAPALA A NA MISIONARI.

.....


1833.



Ina peleleu kekahi huina o ka huinakolu, ua kapaia oia, he *huinakolu peleleu*. Penei:—



Ina he huinaoi na huina a pau o kekahi huinakolu, he *huinakolu oi* kona inoa. Penei:—



*He Wahi Ninau.*

Ina i oki kapakahi ia ka pale o ka buke, mai kekahi kihi a hiki i kekahi kihi e, pehea na huina o kela mau apana pale? he huinakolu kupono anei, he huinakolu peleleu, he huinakolu oi paha?

Ina i kauia ke kaha mai kela mana a hiki i keia mana o ka W, pehea ke ano o ko laila mau huinakolu, he huinakolu eluaaoalike anei, he aoao like ole paha?

Ina e manao oe e kaha i huinakolu like ma ka papa pohaku, e hoohalike anei oe i na kaha a pau?

Ma ka huinakolu aoaolikeole, ehia kaha i like ka loa?

Ma ke kakau ana i na huinakolu like, pehea ke ano o na huina, he huinakupono anei, he huinahio paha? he huinapeleleu anei, he hui-naoi paha?

Ma ka huinakolu kupono, ehia huina, a pehea hoi ke ano o ia mau huina?

Ma ka huinakolu peleleu, ehia huina, a pehea hoi ke ano?

Ina i huiia kekahi mau kookoo ekolu, ma na poo o lakou a pau, elua paha kapuai ka loa o kekahi a me kekahi, ua lilo lakou i huinakolu aha?

Ina elua kapuai ka loa o laua elua, a hoo-kahi kapuai ka loa o ke kolu, alaila lilo lakou i huinakolu aha?

Ina ekolu kapuai ka loa o kekahi, a elua o kekahi, a hookahi hoi o kekahi, alaila lilo ia i huinakolu aha?

Ina ma ka honua kekahi poo o ke kookoo, a hio ae la kela poo ma ka aoao o ke keena, e lilo anei ia i huinakolu aha? he huinakolu kupono anei, i huinakolu peleleu, a he huinakolu oi paha?

Pehea ka aoao maluna o ka papaaaina, he ililaumania anei, he ilihualala paha?

Pehea ke aniani, ma ka puka aniani, he ilihualala anei, he ililaumania paha? Pehea hoi ke aniani wati?

Pehea ke ano o ka huewai, he ililaumania anei, he ilihualala paha?

Ina i okiia ae ke pani o ka puka, mai kekahi kihi, a hiki i kekahi kihi e, pehea ke ano o kela mau apana elua?


#### NO NA HUINAHA.

Ua kapaia na mea aoao eha a pau, he *huinaha*. Eono no ano o na huinaha.

Ina i like na aoao eha a pau, a me na huina a pau, kekahi i kekahi, alaila, ua kapaia ia, he *huinaha like*.

Ina i like loa na huina a pau o kekahi huinaha, a ua loihi kekahi mau aoao, a pokole kekahi mau aoao, alaila, he *huinaha loa ka inoa*. Penei:—

Ina i like na aoao a pau o kekahi huinaha, a like ole na huina, he peleleu kekahi, a he oi kekahi, alaila, ua kapaia oia he *huinaha hio*. Penei:—



Ina i like ole na aoao o kekahi huinaha, he loloa kekahi mau aoao a pokole mai kekahi mau aoao, a like ole no hoi na huina, he peleleu kekahi, a he oi kekahi, alaila, ua kapaia oia he *huinaha hioloihi*. Penei:—




Ua kapaia keia mau huinaha a pau loa, he poe *huinahakaulike*; no ka mea, ua kau like ke kaha maluna me ke kaha malalo, a me ko o, me ko o.

Ua like ole ka huinaha like me ka huinaha hio ma ko laua mau huina. Ua like ole hoi ka huinaha like, me ka huinaha loa, ma ko laua mau aoao.

O ka *huinaha lualike*, ua kau like na aoao

elua, a o kela mau  
aoao aole kau like.  
Penei:—



O ka *huinaha likeole* aole i  
kaulike kekahi aoao me kekahi  
aoao, he like ole wale no. Pe-  
nei:—



*He Wahi Nīnau.*

Mahea ka like ole o ka huinaha loa me ka  
huinaha hioloihi?

Mahea ka like ole o ka huinaha like me  
ka huinaha hioloihi?

Mahea ka like ole o ka huinaha loa me ka  
huinaha hio?

Mahea ka like ana o ka huinaha like me ka  
huinaha hio?

Mahea ka like ana o ka huinaha loa me ka  
huinaha hioloihi?

Mahea ka like ana o ka huinaha like, me ka  
huinaha loa?

Mahea ka like ana o ka huinaha like me ka huinaha hioloihi?

Mahea ka like ana o ka huinaha loa me ka huinaha hio?



# NO KE ANA ANA I NA HUINAHA KAULIKE.

I ke ana ana i na huinaha kaulike, pono e hoonui ka laula no ka loa.

He pono ke manao wale ia mai, he *iniha* paha, he *kapuai* paha, he *iwilei* paha, a he *kaulahao*, a he *mile* paha.

E nana aku i ka *Heluhoike*, i mea e maopopo ai keia mau ninau.

Ina 5 iniha ka loa o kekahi apana pepa, a 3 hoi ka laula, ehia kona mau iniha ili?

Ina 4 kapuai ka loa o kekahi papa, a 3 hoi ka laula, ehia kona mau kapuai ili?

Ina 6 iwilei ka loa o ka moena, a 4 hoi ka laula, ehia kona mau iwilei ili?

Ina 4 kapuai ka loa o ka papaaaina, a 4 hoi ka laula, ehia kapuai ili ona?

Ina 7 kapuai ka loa o ka pani puka, a 4 hoi ka laula, ehia kona mau kapuai ili?

Ma ke kanana, he 12 iniha ka loa, a he 10 hoi ka laula, ehia na iniha ili ona?

Ma ke aniani, 7 iniha ka laula, a 9 hoi ka loa, ehia na iniha ili ilaila?

Ma kekahi kapa, 5 iwilei ka loa, a he 3 ho ka laula, ehia na iwilei ili ilaila?

Ma ka papa laau, 100 iniha ka loa, a he 10 hoi ka laula, ehia na iniha ili ilaila?

Ma ka pa papa laau, 200 kapuai ka loa, a 1 hoi ke kiekie, ehia kapuai papa malaila?

Ma ka aoao o ke keena, he 10 iwilei ka loa a 3 hoi ke kiekie, ehia iwilei ili ilaila?

Ina 20 anana ka loa o ka mahina ai, a 5 ho ka laula, ehia anana ili iloko ona?

Ma ka pa papa laau, 100 kapuai ka loa, a 1 hoi ke kiekie, ehia kapuai papa ma ia pa?

Ina 100 anana ka loa o kekahi kihapai, a 45 ka laula, ehia anana ili o ua kihapai la?

Ma ka moku aina, 6 mile ka loa, a 4 ka laula, ehia mile ili ma ia moku?

Ma ka moku, 100 mile ka loa, a 75 ka laula, ehia mile ili ilaila?

---

#### NO KE ANA ANA I NA HUINAKOLU.

Ina i like ka loa a me ka laula o kekahi huinakolu, me ko kekahi huinaha kaulike, alai-

la, ua hapalua ka huinakolu, o ua huinaha kaulike la.

O ke kaha e moe kapakahi ana, mai keia kihī o ka huinaha kaulike, a i kela kahi, ua maheleia ia, i mau apana like loa. O kela apana, keia apana, ua like ka loa a me ka laula, me ka huinaha kaulike, nolaila, he hapalua io no.

No ia mea, i ke ana ana i ka huinakolu, eia no ke kumu, E hoonui i ka loa ma ka hapalua o ka laula, a o ka laula paha, ma ka hapalua o ka loa. Penei, Ina 8 mau iniha ili ma kekahi huinaha kaulike; 4 wale no iniha ili ma ka huinakolu.

*He Wahi Ninau.*

Ma ka huinakolu, 8 iniha ka loa, a 4 hoi ka laula, ehia na iniha ili ilaila?

Ma ka apana pepa huinakolu, he mau iniha he 10 ka loa, a 4 hoi ka laula, ehia iniha ili?

Ina he 10 ka loa, a 8 ka laula, ehia na iniha ili?

Ma ka papa laau huinakolu, he 20 iniha ka loa, he 10 ka laula, ehia na iniha ili ona?



Ehia iwilei-lole ma ka apana huinakolu, 6 iwilei ka loa, a 4 ka laula?

Pehea hoi ma ka apana he 20 iniha ka loa, a he 10 ka laula?

Ma ke kihapai huinaha like, he 20 anana ka loa, a pela hoi ka laula, a ina i mahele lua ia, mai kela kihi a hiki i keia kihi, a lilo i mau apana huinakolu elua, ehia anana aina ia laua pakahi?

Ma kekahi kihapai huinaha loa, he 20 anana ka loa, a he 10 hoi ka laula, a i mahele lua ia, mai kekahi kihi a hiki i kekahi kihi, ehia anana aina ma kela mau apana huinakolu pakahi?

Ehia kaha like ma ka huinakolu like?

Ehia hoi ma ka huinakolu aoaolualike?

Ehia kaha like ma ka huinakolu aoaolike-ole?

Ehia huinakupono ma ka huinakolu kupono?

Ehia huinaoi, ma ka huinakolu oi?


Ehia huinapeleleu ma ka huinakolu peleleu?

---


### NO NA HUINA LEHULEHU.

Ina elima aoao ko kekahi mea, ua kapaia oia, he *huinalima*; ina eono aoao, he *huina-*


ono, ina ewalu aoao, he *huinawalu*, a pela aku. Penei:—



**Huinalima.**



**Huinaono.**



**Huinawalu.**


O keia mau mea, a me na mea e ae a pau, i hoopuniia e na kaha pololei, pono e oki liilii a lilo i mau huinakolu, alaila, e ana i kela mea keia mea, a i hui pu ia, oia na iniha ma-

loko, na kapuai paha, na anana paha maloko olaila. Pela e hiki ai ke ana i ka lolo, a me na papa, a me ka aina, a me na mea a pau.

NO NA KAHA POAI.

E hiki no i ke kaha kekee hookahi ke hoo-puni i ka waena, me he poai poepoe la, a me ka poai loihi.

O ka *Poai*, he waena ia i hoopuniia e ke kaha kekee, ua like no kela aoao keia aoao o ka poai, mai ke kiko mawaena mai, ua kapaia ua kiko la, he *waenakonu*, a he *kikowaena* hoi. Penei:—




O ke *anawaena*, oia ke kaha pololei, e moe ana ma kekahi aoao o ka poai a hiki i kekahi aoao, a ma ke kikowaena hoi. Ua maheleia ka poai e ke anawaena i elua hapalike, ua kapaia hoi, he *poaihapalua*.

O na *kahahanai*, oia na kaha pololei e moe ana ma ke kikowaena, a hiki i ke kaha anapuni o ka poai.

O ke *kahapili*, oia ke kaha pololei e pa ana i ka poai.

O ka *pio*, oia ka hapa o ke anapuni o ka poai. Penei:



O ke *kaula* o ka pio, oia ke kaha e hoopaa i kela poo, i keia poo o ka pio, me he kikoolā. O na kaha pololei a pau e mahele ana i ka poai, aole hoi mawae-nakonu, he kaula no ia. Penei:—



O ka *apanapoai*, oia ka wa mawaena o ka pio a me ke kaula.

## O KE ANAHONUA.


O ka *apana V.* oia ka wa mawaena o na hanai elua a me ka pio.




Apana V.

O ka *poailoihi*, he poai like ole ia, aole like ka loa o kona mau hanai.

Ua kapaia ke kaha waena loihi, o ke *anawaenaloa*. A o ka pokole hoi, o ke *anawaenapoko*.



Ina i hanaia ka huinaha like ma na aoao a pau o ka huinakolu kupono, alaila, ua like loa ka huinaha ma ka aoao loihi, me na huinaha elua ma na aoao pokole.



— ◆ —  
NO NA MEA PAA.

Ua hoopuniia na paa e na ili, a he loa no ko ka paa, a he laula, a he manoanoo hoi; me he



na ma na kihi eha, alaila, ua kapaia ua paa la, he *paaili kaulikehio*. (Me 5.)

I ke ana ana i na paailiono kaulike a pau, he paaili kupono paha, he paaili kaulikehio paha, eia ke kumu; e hoonui pu i ka loa a me ka laula a me ka manoanoa. E nana i ka 2: he paailiono like no ia: 2 iniha ka loa, 2 hoi ka laula, a 2 ka manoanoa. I ka hui ana, 8 paa iniha.

E nana i ke 3. Eha na ili huinaha loa, elua hoi huinaha like.

Pau na ili o ka 4 i ka huinaha loa—4 ka loa, 3 ka laula, a 2 ka manoanoa, a i hoonui pu ia, he 24. Oia hoi ko loko o ua paa la.

O ka 5, oia ka paaili kaulikehio—elua ili huinaha hioloihi, elua huinaoi, a elua hoi peleleu, 6 iniha ka loa, 3 ka laula, a 2 hoi ka manoanoa; a i hoonui pu ia, 36. Oia hoi na iniha, maloko o ua paa la.

*He Olelo N'inau.*

Owai ka inoa o ka paailiono kaulike, ua like pu kona mau ili a pau? Pehea hoi ke ano o kona mau ili?

Ma ka paailiono kaulike, ehia ili huinaha loa e hiki ilaila? Ehia ili huinaha hio? Ehia hoi ili huinaha hioloihi?



Ma ka paailiono kaulike, ehia huinaoi e hiki ilaila? Ehia huinapeleleu?

Ina 3 kapuai ili ma keia aoao kela aoao o ka pahu, he like na aoao a pau, heaha ka inoa o ia paa, ehia hoi kapuai paa oloko?

Ehia kapuai paa ma ka puu wahie, 4 kapuai ka loa, 3 ka laula, 2 hoi ke kiekie?


Ehia iwilei paa o ka lepo i hemo i ka eli ana i lua, he 10 iwilei ka loa, he 10 ka laula, a 2 hoi ka hohonu?

Ehia kapuai paa ma ka pa pohaku ulaula, he 10 kapuai ka loa, 5 ke kiekie a 2 hoi ka manoanoa?

Ehia kapuai paa, ma ka pauku laau, 50 kapuai ka loa, 3 kapuai ka laula, a 2 hoi ka manoanoa?

Ehia kapuai paa kulina, maloko o kahi waiho, 100 haneri kapuai ka loa, he 10 ka laula, a 5 hoi ka hohonu?

Ehia kapuai paa wai i ukuhiia iloko o ka pahu, he 10 kapuai ka loa, 5 ka laula, a 4 hoi ka hohonu?



NO NA OPAKA, A ME NA PAUKU, A ME NA  
OPUU, A ME NA PUOA, A ME NA PAA-  
POEPOE.

He mea *paa* ka *opaka*, ua pau kona mau  
aoao i ka huinaha kaulike, a o kona mau poo,  
he huinakolu paha, he huinaha paha, he hui-  
nalima, he huinaono, he huinawalu paha, e  
like me ka helu ana o na aoao ma ka opaka.

O ka *pauku*, he mea poepoe no ia; a he  
poai kona mau poo.

O ka *puoa*, he huinakolu kona mau ili a  
pau, a o ke kumu, he huinakolu paha, he  
huinaha, he huinalima, he huinaono, he hui-  
nawalu paha, e like me ka helu ana o na aoao  
ma ka puoa.

O ka *opuu*, he puoa poepoe no ia.

O ka *paapoe*, he mea hoopuniia e ka ili-  
hualala hookahi. Ua like wale no ke ana ana,  
mai ka ili aku a waenakonu.

O ka *poepoe pikoi*, he poepoe loihi ia.

O ka *poepoe hawae*, he poepoe pokole ia.

*He Olelo Ninau.*

Ua hoopuniia na opaka e na ili aha? a pe-  
hea hoi ke ano o kona mau aoao?

Pehea ka pauku, ua hoopuniia ia e ka ili aha, a pehea hoi ke ano o kona mau poo?

Pehea ke ano o na aoao o ka puoa? Pehea hoi ke ano o ke kumu?

Ua hoopuniia ka opuu e ka ili aha? Pehea kona kumu?

Ehia ili ma ka paapoepoe, a pehea hoi ke ano?

---

### NO NA PAAILI LIKE.

Elima no ano o na mea *paaili like*. Ua kapaia pela, no ka mea, ua like loa ke ano, a me ka nui o na ili a pau. O ka paa ililaumania, a uuku loa na ili i ka heluna, eha no ia; a ina he paaili like, he huinakolu kona mau ili, nolaila hoi i kapaia'i, he *paailiha like*.

O ka mea paaili like i mahuahua iki ae kona mau ili, he huinaha kaulike ke ano o kona mau ili. Eono no ia mau ili. Oia ka mea i kapaia, he *paailiono like*.

O ka paaili like i mahuahua iki ae kona mau ili, he *paaili walu* ia. Ewalu no kona mau ili, ua pau hoi lakou i ka huinakolu like.

O ka mea paa i mahuahua ae kona mau ili, *kapaia, he paaili umikumamalu, no ka mea,*

he umikumamalua na ili ona; he huinalima ke ano o na ili.

O ka mea nui o na paaili like, he iwakalua ona ili, a he huinakolu ke ano. Ua kapaia hoi, he *paaili iwakalua*.

Aole mea paaili like e ae e like ai, a like loa na huina, a mena ili a pau, oia mau mea wale no.

*He Mea Ninau.*

Ehia ano like ole o na aoao o ia mau mea paaili like elima? Owai hoi ko lakou inoa?

Ehia lakou ma na ili huinakolu? Owai ko lakou inoa? Ehia hoi ma na huinaha like? Ehia hoi ma na huinalima?

Ehia ko lakou mea ma na huinapeleleu? Ehia hoi ma na huinaoi? Ehia ma na huinakupono?



O KE ANAPUNILIKE.

Oia ka mea e hoike mai i ka oi ana o ke kaha paha, o ka ili paha, ma kekahi ano, mamua o ke kaha a me ka ili ma kekahi ano. He mea maikai no ia i ka mahele aina, a me ka hana ana i na pa, a me na pahu o kela ano keia ano, a me na hale.

## NO KE ANAPUNI I NA ILI.

Ina he poai poepoe ke anō o kekahi ana puni, ina ua *oi* aku ka nui o kona waena, mamua o kona ana puni ano e ae a pau loa; no ka mea, ua like loa ka loihi mai ke kikowaena aku a hiki i ke ana puni ma kela aoao, ma keia aoao.

Ina kokoke like ke ano o kekahi mea, me ka poai, ina ua *nui* no kona waena, a *pokole* hoi, ke kaha anapuni.

Ma na mea huinaha, ua pokole ke kaha e ana puni ai i ka huinaha like, a nui hoi ka waena; a o ka me like ole me ka huinaha like, ua loihi ke kaha e ana puni ai. (Ma ka Heluhoi-ke e nana ai.) Ina 2 iniha ka loa o kekahi mea a 2 hoi ka laula, 4 no iniha ili ilaila; a 8 no iniha ka loihi o ke anapuni. Aka, ina i lilo ia i ano e, 4 paha iniha ka loa a 1 ka laula, he 10 no iniha ka loa o kona anapuni.

O ka huinaha like, 4 no iniha ma kela aoao ma keia aoao, he 16 iniha ka loa o ke anapuni. Aka, o ka wa like, a 8 paha iniha ka loa, a 2 ka laula, he 20 no iniha ma ke anapuni. A ina 16 iniha ka loa, a 1 hoi ka laula, he 34 iniha ke anapuni.

O ka huinahā like, a 64 iniha ili maloko, he 32 na iniha ma ke anapuni. Ma ka mea 16 iniha ka loa, a 4 ka laula, a he 40 iniha ke anapuni. A 32 ka loa, a 2 ka laula, he 68 iniha ke anapuni: O ka mea 64 ka loa, a 1 ka laula, he 130 iniha ke anapuni.

Ma ka Heluhoike ua maopopo ka uuku ana o ke kaha e anapuni ai i ka waena ma ka ili nui i ko ka ili uuku. O ke anapuni o ka iniha ili hookahi, 4 no ia iniha. O ka mea 2 iniha ka loa, a 2 hoi ka laula, 4 ona mau iniha ili; a o ke ana puni, 8 no iniha, pela hoi 2 iniha kaha no ka iniha ili hookahi.

Ina 4 iniha ka loa o kekahi mea, a 4 hoi ka laula, he 16 ona iniha ili; he 16 iniha ka loa o kona anapuni. Pela hoi 1 iniha ili no ka iniha kaha hookahi.

Ina 8 iniha ka loa o kekahi mea, a 8 hoi ka laula, he 64 ona iniha ili maloko, a o ke anapuni he 32 iniha oia. Pela hoi he hapalua iniha anapuni ma ka iniha ili hookahi.

*He Wahi Ninau.*

Ina i haawi mai ke alii i aina no kekahi kanaka, hookahi mile ka loa o ke anapuni, pehea la e kaha ai ua kanaka la i nui ae kona aina?

Mahea ka nui o ka lolo i hoopuniia e ke kaha he 10 mau iwilei ka loa, ma ke ano o ka huinakolu anei, ma ka huipaha like paha? Ma ke ano o ka huinalima anei, ma ka huinawalu paha? Ma ka huinaha like, ma ka huinaha loa paha? Ma ka huinaha loa anei, ma ka huina hio loihi paha? Ma ka huinaha hio loihi anei, ma ka huinaha hio paha?

Pehea ka loihi o ka pa e hoopuni ai i 9 mau kaulahao aina, he huinaha like ke ano, 3 no kaulahao ka loihi o na aoao?

Pehea hoi ka loihi o ka pa e hoopuni ai i 9 mau kaulahao aina, he huinaha loa ke ano, 9 no kaulahao ka loa, a 1 no ka laula?

Ehia kaulahao e pono ke hoopuni i ka maha, 4 kaulahao ka loa, 4 hoi ka laula, he 16 kaulahao ili maloko?

Ehia hoi, ina 8 kaulahao ka loa, a 2 ka laula? Ehia hoi, ina 16 ka loa, a 1 ka laula?

Pehea ka loihi o ka pa e hoopuni ai i ke kihapai, 8 anana ka loa, a pela hoi ka laula, a he 64 anana ili?

Pehea hoi, ina 16 anana ka loa, a 4 ka laula? Ina paha he 32 ka loa a 2 ka laula? A ina paha he 64 ka loa, a 1 ka laula?

Ehia anana ka loihi o ka pa e hoopuni ai i  
144 anana ili make koele huinaha like hookahi?

Ehia hoi ma ke koele, 18 anana ka loa, 8  
hoi ka laula? A 24 paha ka loa, a 6 ka laula?  
A 36 paha ka loa, a 4 ka laula? A 72 ka loa, a  
2 ka laula? A 144 ka loa, a 1 ka laula?

I ka hoohalike ana i na kapuai ili me na ka-  
puai o ke ana puni, mahea la e loihi ai ke ana-  
puni, ma ka waena nui anei ma ka waena uuku  
paha?

Ehia kaulahao ma ka pa e hoopuni ai i ke  
kaulahao ili aina hookahi, he huinaha like ke  
ano?

Ehia anana ma ka pa e hoopuni ai i mau  
anana ili 4 ma ke kihapai, he huinaha like ke  
ano, 2 no anana o kela aoao o keia aoao? E-  
hia hoi anana o ka pa, ke pakahi ke anana ili  
me ko ka anana o ka pa?

Ina 4 anana ka loa, 4 hoi ka laula, 4 anana  
ma na aoao a pau, pahia ke anana anapuni i  
ka anana ili hookahi?

Pehea ka loihi o ke anapuni o ka papa 6  
iniha ka loa, 6 hoi ka laula, pahia na iniha ili i  
ka iniha anapuni hookahi?

Pehea hoi ma ka papa, 8 iniha ka loa, a 8



hoi ka laula, pahia na iniha ili, i ka<sup>o</sup> iniha ana puni hookahi?

Ma ka papa, 1 kapuai ka loa, a 1 ka laula, pahia na iniha ili i ka iniha anāpuni hookahi?

Pehea ka loihi o ka pa, e hoopuni ai i ka moku aina, 100 mile ka loa, 100 hoi ka laula? Pehea hoi na mile anapuni i ka mile ili hookahi?



#### NO KE ANAPUNI I NA MEA PAA.

Ma na mea paa, o ka mea i nui ka paa maloko o kekahi ili, oia ka paapoepoe: no ka mea, ua like wale no ke ana ana mai ke kikowaena aku a waho.

Ina i hooliloia ua poepoe la i ano e, ua uuku iho ia; e like me ka ipu poepoe i piha i ka wai. Ina i ano e ia, e hu wale mai no ka wai.

O ka mea paa kokoke like me ka paapoepoe loa, he nui kona waena i ko ka mea like ole.

Ma na paaili kaulike, o ka paailiono like ka mea i nui aku ka paa i ko na ili e a pau.

A ina like ole kekahi paailiono me ka paailiono like, alaila, ua nui ae ka ili, ua uuku iho ka paa.

(E nanā i na paa; 6, 7, 8, 9, a me ka 10.)

O ke 6, he paailiono like ia, he 64 iniha paa ona, a he 96 iniha ili mawaho.

O ka 7, ua like na iniha paa i ka helu ana, aka, he 112 iniha ili ona.

O ka 8, 136 iniha ili ona, a he 64 iniha paa.

Ua hoike mai ka 9, he 64 iniha paa ma ka paaili like, he 32 iniha ka loa, a 2 ka laula a hookahi ka manoanoa, a 196 iniha ili ona.

Ma ka 10, ua hoikeia mai o ka mea he 64 iniha ka loa, 1 ka laula, a hookahi hoi ka manoanoa; 258 iniha ili ona, a ina he paailiono like he 96 wale no.

*He Mea Ninau.*

Ina i haawi mai ke alii i wahi gula na keka-hi kanaka, ma na iniha ili he 10, e uhao ai, pehea kana hana ana i nui ai ke gula?

Ina i hoopihaiia ka ipu poepoe i ka wai, a he puka liilii i waiho hamamaia maluna, a i opaia i lilo i ano hou, e hu anei ka wai, e emi paha iloko?

Mahea ka ili nui, ke komo i hookahi galani wai, ma ka paaili iwakalua anei, ma ka paaili umikumamalua paha? Ma ka paaili umikumamalua anei, ma ka paailiwalu paha? Ma ka

paailiwalu anei, ma ka paailiono paha? Ma ka paailiono anei, ma ka paailiha paha?

Ma na paailiono a pau, heaha ka paailiono o lakou i nui ka wai mai ka ili uuku?

Ina manao kekahi kanaka e hoolilo i 100 kapuai papa i pahu, i komo ka wai he nui loa, ma ka paailiono kaulike hea ka pono e hana'i?

Ina makemake ke kanaka paahana e kapili i 1000 kapuai papa i mau pahu iliono, i hahaoia'i ka waiwai he nui loa maloko, pehea ka hana ana i nui ai ka waiwai?

Ehia iniha ili mawaho o ka pahu, ina he 24 iniha paa maloko, eia hoi ke ano: 4 iniha ka loa, 3 ka laula, 2 hoi ka hohonu?

Ehia iniha ili mawaho o ka pahu, ina he 24 iniha paa maloko; eia hoi ke ano, 6 iniha ka loa, 2 ka laula, a 2 hoi ka hohonu?

Ehia iniha ili ma ka pahu, ina he 24 iniha paa maloko, a he 12 ka loa, 2 ka laula, 1 ka manoanoa?

Ehia iniha ili ma ka pahu, ina he 24 ka loa, 1 ka laula, a 1 ka manoanoa?

Elua no pahu, ua like na paa kapuai maloko, he 64. Hookahi pahu, he paailiono like ke ano; a o kekahi, he paailiono loihi; ua hapa-

lua ka laula i ko ka loa, a ua hapalua ke kie-kie i ko ka laula; ehia kapuai papa i pakela aku kekahi pahu mamua o kekahi, ke hana?

Pehea hoi ka pakela ana, ina 16 kapuai ka loa, 2 ka laula, a 2 ka manoanoa?

Pehea hoi, ina 16 ka loa, 4 ka laula, a 1 ka manoanoa?

Pehea hoi, ina he 32 ka loa, 2 ka laula, a 1 ka manoanoa?

Pehea hoi, ina 64 ka loa, 1 ka laula, a 1 ka manoanoa?

O ka mea e ike ai i ke ana i na huinaha, a me na huinakola, a me na poai, a me na paa-poepoe, a me na paaiono, a me na pauku, a me na opuu, heaha ka inoa o ia mea e ike ai i ke ana ana i na mea a pau?

Ina e manao kakou e ike i ke anahonua, e nana kakou i ke aha?

O ke kiko, o ke kaha, o ka ili, o ka paa, o-wai ko laila mea, aole ona loa, aole hoi laula?

Pehea hoi ke kaha, he loa anei? he laula anei? heaha kona ano?

A o ka ili hoi, he laula anei? he manoanoa anei? heaha kona ano?

A o ka paa, he loa anei kona, he laula anei?  
heaha kona ano?

Ehia ano o ke kaha, a heaha hoi ka inoa?

Ina e hoonee ke kiko, heaha kona? he ili  
anei, he kaha paha?

I ka hoopanee ana o ke kiko, ina e hooluliia-  
oia, heaha ke ano o ia kaha, he pololei anei, ua  
kekee paha?

Heaha ke ano o na kaha o ka huinaha like,  
he pololei anei, he kekee paha?

Pehea hoi ka poai, a me ka poai loihi?

Ehia kaha pololei e hiki ke hoopuni i ka  
waena? Ehia kaha kekee?

Ina i moe like kekahi mau kaha, a like a like  
ko laua kaawale ma na wahi a pau, alaila, hea-  
ha ko laua inoa? he mau kaha kaulike anei,  
he kupono paha?

Ina i ku kekahi kaha maluna o kekahi kaha,  
a like a like na huina ma kela aoao ma keia ao-  
ao, heaha ka inoa o ia kaha ku, he kaha kupo-  
no paha, he hio paha?

Ina i moe kekahi mau kaha pololei, aole  
ku pono kahi i kahi, aole hoi i kau like, alaila,  
heaha ka inoa o ia mau kaha?

E hio anei na kaha kekee a pau, e kaulike  
*paha kekahi?*

Pehea ka aoao maluna a me ka aoao malalo o ka papa pohaku, e kaulike anei, e hio paha?

Ina i ku pono kekahi kaha i ke kaha ilikai, heaha ka inoa o ia kaha ku, he kaha kupono anei, he kaha ilikai paha?

Pehea ka papa ma ke kahua o ka hale, he kupono anei, he ilikai paha? Pehea hoi ka paha o ka hale pohaku?

Pehea na oa o ka hale, he kupono anei, he ilikai anei, he hio paha?

Ina i akea aku kekahi huina, a pili iho paha, i ko ka huina kupono, alaila, heaha ka inoa o ia huina?

Ehia ano o ka huina hio, a heaha hoi ka inoa?

Owai ka huina nui, o ka huina peleleu anei, o ka huina oi paha?

Ina ku pono kekahi laau, heaha kona huina me ka ilikai, he huina kupono anei, he huina hio paha?

Ina hio ka laau i ka akau, heaha kona huina me ka ilikai ma ka hema? he peleleu anei, he oi paha?

Pehea na huina maloko o ka huinakolu like, he peleleu anei, he oi paha?

Pehea ma ka huinahalike? Pehea ma ka

huina lima? Pehea ma ka huinaono? Pehea ma ka huinawalu?

Mahea ka huina akea, ma ka huinawalu anei, ma ka huinalima paha?

Mahea ka huina akea, ma ka huinaono anei, ma ka huinaha like paha?

Ehia huina maloko o ka huinawalu? Ehia maloko o ka huinaono? Ehia maloko o ka huinalima? Ehia maloko o ka huinaha like? Ehia maloko o ka huinakolu?

Heaha ka inoa o ka huina i pakela aku ke akea mamua o ka huinakupono? A me ka mea i emi iho kona akeā i ko ka huinakupono?

Ina i kau pea ia na kaha elua, ehia ko laila mau huina?

Ina i kau kea pono ia, alaila, heaha ka inoa o na huina?

Ina i opea kapakahi ia, alaila, heaha na huina, he peleleu anei, he oi, o laua pu paha?

Ina ekolu aoao ko kekahi mea, he huina aha ia?

Ina i like na aoao a pau o kekahi huinakolu, heaha kona inoa?

Ina i like na aoao elua, heaha kona inoa?

Ina i like na aoao a pau, heaha ka inoa o ia huinakolu?

**Ina hookahi huina kupono maloko o kekahi huinakolu, alaila, heaha ka inoa o ia huinakolu? Ina, hookahi huina peleleu, heaha ka inoa? Ina ekolu huina oi, heaha ka inoa?**

**Ina i oki kapakahia ka pale o ka buke, mai kekahi kihi, a i kekahi kihi, pehea ia mau apapana, he huinakolu kupono anei, he huinakolu peleleu paha?**

**Heaha ke kaha i kaha kapakahi ia, mai kekahi kihi o ka puka a i kekahi kihi, he anawaena anei, he anapuni paha?**

**Ina i poaia ka alani i ke kaula, me he apo la, heaha ia, he anapuni anei, he anawaena paha?**

**Ina i houia ka alani i ke kui, mawaena kōnu, a puka i kela aoao, heaha ia, o ke anawaena anei, o ke anapuni paha?**

**Ma ka huinakolu peleleu, ehia huina peleleu? ehia hoi huinaoi?**

**O na huinaha a pau loa, ehia ano, a heaha hoi ko lakou inoa?**

**Ma na huinaha a pau loa, ehia huinaha kaulike? A no ke aha la i kapaia'i pela?**

**Ma na huinaha like, ehia aoao kaulike? Ma ka huinaha ahaualike, ehia aoao kaulike?**

**Ma ka huinaha aha like ole, ehia aoao kaulike?**



Ma na huinaha kaulike eha, owai ko lakou mea ma na huina kupono?

Owai hoi ma na huina hio? Owai na mea aoao like? Owai na mea, aoaolualike?

Mahea ka like ole o ka huinaha like, me ka huinaha loa, ma na aoao anei, ma na huina paha?

Mahea ka like ole o ka huinaha like, me ka huinaha hio, ma na aoao anei, ma na huina paha? Heaha na huina ma ka huinaha like? Heaha hoi ma ka huinaha hio? Ehia huina peleleu, ehia hoi huina oi ma ka huinaha hio, a me ka huinaha hio loihi?

Owai ka huinaha i kaulike ole na aoao a pau? Owai hoi ka mea i kaulike na aoao elua wale no?

Ma ka huinaha hio, a me ka huinaha hioloihi, pehea na huina?

Heaha ka inoa o ka mea i like a like ka loihi, mai kela aoao keia aoao o ke anapuni, a hiki i ke kikowaena?

Heaha ka inoa o ke kaha e moe ana ma kekahi aoao o ka poai, a hiki i kekahi aoao, a ma ke kikowaena hoi?

Ma na huinaha kaulike, pehea na aoao, he hio anei, he kaulike paha?

**Ina i like na aoao eha o kekahi huinaha a he huipa kupono kona mau huina a pau, heaha kona inoa?**

**Pehea ka buke, he huinaha loa anei, he huinahio paha?**

**Ina i like na aoao eha o kekahi huinaha, elua hoi huinapeleleu, a elua huinaoi, heaha ka inoa o ia huinaha?**

**Heaha ka inoa o ka huinaha, he huina kupono wale no kona mau huina, a ua like ole ka loa me ka laula?**

**Heaha ka inoa o ka huinaha ua kaulike na aoao elua, a ua kaulike ole kela mau aoao?**

**Ina i kaulike wale no na aoao o kekahi huinaha, a he huinahio kona mau huina, aole hoi i like ka loa me ka laula, heaha ka inoa o ia huinaha?**

**Heaha ka inoa o ka huinaha, ua kaulike ole kona mau aoao a pau?**

**Heaha ka pami o ka puka, he huinaha loa anei, he huinaha ahaliikeole paha?**

**Heaha ka pale o ka buke, he huinaha loa anei, he huinaha hioloihi paha?**

**Pehea ke kumu o ka opuu, he poai anei, he huinakolu paha?**

Ina eha aoao kekahi puoa, pehea kona kumu, he huinaha anei, he huinakolu paha?

Ina ekolu aoao kekahi puoa, pehea ke ano o kona kumu? Ina elima aoao pehea? Ina eono aoao pehea?

Pehea ke ano o na aoao o ka opaka, he huinakolu anei, he huinaha loa paha?

Pehea na poo o ka pauku?

Pehea la e hiki ai ke ana, a ike loa i ka nui o ka ili, maloko o ka huinaha kaulike?

Ehia iniha ili ma ka pale o ka buke, 4 iniha ka loa, a 3 hoi ka laula?

Ehia hoi, ina 6 iniha ka loa a 4 ka laula?

Ehia iniha ili ma ke aniani, 7 iniha ka laula, a 9 hoi ka loa?

Ina 8 ka laula, a he 10 ka loa?

Ina he 10 ka laula, a he 12 ka loa, ehia?

Ina 9 ka laula, a he 12 ka loa, ehia?

Ma ka papa, 2 kapuai ka laula, a he 12 ka loa, ehia kapuai ili?

Ina 5 ka loa, a 4 ka laula, ehia? Ina 4 ka laula, a he 12 ka loa, ehia? Ina 7 ka laula, a he 12 ka loa, ehia? Ina, 9 ka laula, a he 12 ka loa, ehia?

Ma ka apa lone, 5 kapuai ka laula, a he 20

ka loa, ehia kapuai lolo? Ma ka .apa, he 10 kapuai ka laula, a 100 ka loa, ehia?

Ehia kapuai papa ma ka pa papa pili, 5 kapuai ke kiekie, a 1000 kapuai ka loa?

Ina 100 kapuai ka loa, a 100 hoi ka laula o kekahi pa hale, a ua paa i ka pa papa, he 10 kapuai ke kiekie, ehia kapuai papa ma ia pa?

Ehia kapuai papa ma ke kahua o ke keena, he 10 kapuai ka laula, a he 30 ka loa?

Ehia iwilei ili o ka moena e paa ai ke keena, 5 iwilei ka laula, a 6 hoi ka loa?

Pehea la e hiki ai ia oe ke ana i ka huinakolu?

Ina i okiia ka huinaha kaulike, mai kekahi kihi, a i kekahi kihi, pehea ia mau apana, ua like anei, aole paha?

Ma ka huinakolu, 8 iniha ka loa, a 6 ka laula, ehia iniha ili ilaila?

He apana lolo, he huinakolu ke ano, he 20 iwilei ka loa, a 2 iwilei ka laula, ehia iwilei lolo malaila?

He kihapai huinaha like, he 10 anana ka loa. Ina i okiia ia, mai kekahi kihi, a i kekahi kihi, alaila, ehia anana ili ma ia mau huinakolu pakahia?

He 10 iniha ka laula o kekahi aniani, a he

12 ka loa. Ina i okiia ia, mai kekahi kihi, a i kekahi kihi, alaila, he huina aha, kela mau apana? a ehia hoi na iniha maʻia mau apana pakaʻahi?

Ina elima aoao ko kekahi mea, he huina aha ia?

Ina eono aoao ko kekahi mea, he huina aha ia? Ina 8 aoao, heaha ia?

Ina i kahaia na huinaha like ma na aoao a pau o kekahi huinakolu kupono, alaila, i ka hui ana i na huinaha liilii elua, e like laua me ke aha?

Ua kahaia na huinaha like ma na aoao a pau o kekahi huinakolu kupono. He 10 no iniha ili ma ka huinaha iki, a he 20 ma kekahi huinaha, ehia iniha ma ka huinaha nui?

He huinakolu kupono, a ua kahaia na huinaha like ma na aoao a pau. He 60 kapuai ili ma ka huinaha o ka aoao nui, he 40 ma ka huinaha o kekahi aoao, ehia kapuai ili ma ka huinaha o ka aoao iki?

Ehia ili hualala e hiki ke hoopuni i ka paa?

(E nana i ka paapoepoe.)

Ehia ili laumania e hiki ke hoopuni i ka paa?

(E nana i ka paailaha.)

Heaha ka inoa o na paa i kokoke like me ka poepoepaa?

Heaha ke ano o ka paapoepoe pikoi?

Heaha ke ano o ka paapoepoe hawae?

Heaha ka inoa o ka paa ua like wale no ke ana ana mai ka ili aku, a waenakonu? Heaha ka inoa o ka paa i hoopuniia'e e na ili huinahakolu eha? Heaha hoi, ina 6 ili huinaha like? Heaha hoi, ina 8 ili huinakolu like? Heaha hoi, ina 12 ili huinalima? Heaha hoi, ina he 20 ili huinakolu?

Heaha ka inoa i pili i keia mau paa elima a pau? No ke aha la i kapaia'i lakou, he paaili-like?

Owai ko lakou mea, ua kokoke like me ka paapoepoe? Owai ko lakou mea i like ole loa?

Pehea ka paailionolike, a me ka paailiumikumamalua, owai ko laua mea i like iki me ka paapoepoe?

Heaha ka inoa o na paa a pau i hoopuniia ma na aoao a pau e na ili huinaha kaulike?

Owai ka paailiono kaulike, ua kokoke like kona ano me ka paapoepoe? (*E nana i ka 2, a me ke 3.*)

Heaha ka penikala, he paailiono kaulike anei, he pauku paha?

Heaha ka pohaku ulaula, he paailiono kaulike anei, he pauku paha?

Auheha ka mea kokoke like me ka puoa, o ka poka anei, o ka ohia paha?

Heaha ka huamoa, he poepoe pikoi anei, he poepoe hawae paha?

Auheha ka mea i like me ka paapoepoe, o ka alani anei, o ka hala paha?

Heaha ka pahu holowaa lole, he paaili kaulike anei, he pauku paha?

Ehia aoao ko ka paailiha, pehea hoi ko lakou ano?

Ehia aoao ko ka paailiono like, a pehea hoi ko lakou ano? O ka paailiwalu hoi, a me ka paaili umikumamalu, a me ka paaili iwakalua?

Ehia aoao o ka paaili kaulike, e hiki ma ka huinaha hio, a me ka huinaha hioloihi?

Ina e hio na aoao elua o kekahi paaili kaulike, alaila, heaha ka inoa, he paaili kupoano anei, he paaili hio paha?

Ma ka paaili kaulike hio, heaha ke ano o na huina a pau, he huina kupoano wal he

huinahio kekahi paha? Pehea hoi na huinahio, he peleleu anei, he oi paha, o laua pu paha?

Pehea la e hiki ai ke ana i ka paa, maloko o ka paaili kaulike?

Ehia iniha paa, ma ka paailiono like 1?

Ehia ma ka paa 10?

Ehia ma ka paa 9?

A ma ka paa 2, a me ke 3, a me ka 4, a me ke 6, a me ka 7, a me ka 8, a me ka 5?

Heaha ke ano o na aoao o ka paailiono 2? Heaha hoi ko ka paa 3, a me ka 4, a me ka 5, a me ka 7, a me ka 8?

Ma ka pauku laau, 4 kapuai ka loa, 3 ka laula, a 2 ke kiekie, ehia kapuai paa wahie? (*E nana i ka 4.*)

Ma ka puu wahie, 8 kapuai ka loa, 4 ka laula, a 2 ke kiekie, ehia kapuai paa wahie? (*E nana i ka 7.*)

Ma ka laau, he 16 kapuai ka loa, 2 ka laula, a 2 ka manoanoa, ehia kapuai paa wahie? (*E nana i ke 3.*)

Ehia iwilei paa, maloko o ke keena, 5 iwilei ka loa a he huinaha like ke ano, a 3 hoi ke kiekie?



Ehia kapuai paa maloko o ka pahu, 5 kapuai ka loa, 4 ka laula, a 2 hoi ka hohonu?

Ehia kapuai paa wai, e hiki ke ukuhi, maloko o ka pahu, he 10 kapuai ka loa, he 10 ka laula, a 5 ka hohonu?

Ehia kapuai paa o ka paakai e hiki ke uhao iloko o ka pahu, he 20 kapuai ka loa, he 10 ka laula, a 5 ke kiekie?

Ina he 10 iniha ka loa o kekahi laau, a 5 ka laula, a 2 ka manoanoa, ehia paailiono like, e hiki ke olo, noloko o ua laau la; 1 iniha paa maloko o ka paailiono hookahi?

Ehia paailiono like, 1 kapuai ka loa, e hiki ke uhao, maloko o ke keena, he 20 kapuai ka loa, he 10 ka laula, he 10 ke kiekie?

Ehia kapuai pohaku ma ka pa, 100 kapuai ka loa, 5 ke kiekie, a 2 hoi ka manoanoa?

Ehia iwilei paa lepo i hemo, i ka eli ana i lua, he 10 iwilei ka loa, a he huinaha like ke ano, a 2 iwilei ka hohonu?

Ehia kapuai paa pohaku, maloko o ka pali-paa, 100 kapuai ka loa, he 10 ka laula, a he 10 hoi ka hohonu?

Ma ka puu wahie, he paailiono like ke ano, he 10 kapuai na aoao, ehia kapuai paa wahie?

*(E nana i ka Heluhoike, i mea e maopopo ai na ninau i koe.)*

Ma ka loi huinaha like, 8 anana kekahi ao-ao, ehia anana ili? Ehia hoi anana ka loihi o na paia 4?

Ma ke kihapai 100 anana ka loa, a he 10 ka laula, ehia anana ili, a pehea ka loihi o kona pa?

He 24 anana ili ma kekahi kihapai; 6 anana ka loa, a 4 ka laula. Ehia anana pa e paa ai ia wahi?

Ina paha 8 ka loa a 3 ka laula, a he 24 anana ili, ehia?

Ina 12 ka loa, 2 ka laula ehia? Ina he 24 ka loa, a 1 ka laula, ehia?

*(E nana i na paa, e maopopo ai keia mau ninau.)*

Ehia iniha ili, ma ka paa 1? Ehia, ma ka paa 2? Ehia ma ka paa 3? Ehia ma ka paa 4?

Ehia iniha paa maloko o ke 6, ka 7, ka 8? Ehia hoi iniha ili ko lakou, pakahi?

Ina he 32 iniha ka loa a ka 9, alaila, ehia iniha paa, a ehia hoi iniha ili?

Ina he 64 ka loa o ka 10, alaila, ehia iniha paa maloko, ehia hoi iniha ili? Pehea hoi ka nui o kona pakela ana mamua o ko ke 6?

He 10 iniha ka loa o kekahi laau, ua like na aoao a me na huina, 1 iniha ka manoanoa, ehia iniha paa maloko o ua laau la?

Ma ka laau, he 10 iniha ka loa, 2 ka laula, 1 ka manoanoa, ehia iniha paa? Ina he 10 ka loa, 2 ka laula, a 2 ka manoanoa, ehia?

Ma ka laau opaka, he 25 kapuai ka loa, 2 ka laula, 2 hoi ka manoanoa, ehia kapuai paa?

Ehia iniha paa maloko o ka papa, 100 iniha ka loa, he 10 ka laula, a 2 hoi ka manoanoa?

Ehia kapuai papa e paa ai ka pahu, he paa-iliono like ke ano, a he 10 kapuai ka loa o kekahi aoao?

Ehia kapuai papa e paa ai 100 pahu, 4 kapuai ka loa, 3 ka laula, a 2 ke kiekie o na pahu a pau?

Ehia iwilei lole ma ka apa, he 50 iwilei ka loa, a 3 hoi ka laula?

He aina ko'u: he 10 anana ka loa, a he hui-naha like ke ano. Ehia kapuai papa e paa ai ia aina i ka pa, 5 kapuai ke kiekie? Ehia hoi anana aina ma ia pa?

Ehia kapuai papa e paa ai ka aina, he 20 anana ka loa, a 5 ka laula, a 5 hoi kapuai ke kiekie o ka pa? Ehia hoi anana aina?

O kekahi aina he 32 anana ka loa, a 2 ka laula—o kekahi aina 8 anana ka loa, a he hui-naha like ke ano. Ua paa ia mau aina i ka pa, he 10 kapuai ke kiekie. Ehia kapuai papa i oi o kekahi pa mamua o kekahi pa?

Ina 100 pahu, 8 kapuai ka loa, 4 ka laula, a 2 ke kiekie; a 100 pahu ano okoa, he paailiono like ke ano, a 4 kapuai ka loa; ehia kapuai papa, i oi ko kekahi haneri pahu, mamua o ko kekahi?

Ehia kapuai paa maloko o ka pahu, he 20 kapuai ka loa, 5 ka laula a he 10 ka hohonu? Ehia hoi ma ka paailiono like, he 10 ka loa o kekahi aoao? A ina i hapalaia kela mau pahu i ka puna, 2 kapuai ka manoanoa; ehia kapuai paa puna, i oi ko kekahi pahu mamua o ko kekahi?

Ina he 12 iniha ka loa o kekahi laau, a he huinaha like ke ano, a 3 hoi iniha ka manoanoa, ehia paailiono like e hiki ke olo, noloko o ua laau la, 1 iniha ka loa o kekahi paailiono?

Ina he paailiono like, he 12 iniha ka loa o kekahi aoao, ehia?

*(E nana i ka Heluhōike.)*

Ehia kalo maloko o ka loi, he 10 no lalani, a he 12 kalo ma ka lalani hookahi?

He 10 puka aniani; 5 aniani ke kiekie o kekahi puka, a 3 ka laula. Ehia aniani ma ia mau puka a pau?

Ehia kanaka e hiki ke noho ma na noho loihi 9, he 12 kanaka ma ka noho hoókahi?

He 20 lalani palapala ma kekahi aoao o ka buke, he 30 hua ma ka lalani hookahi; ehia hua ma ia mau lalani a pau? Ehia ma na aoao 100?

Ehia hua palapala maloko o ka buke, 500 aoao maloko, he 50 lalani ma na aoao pakahi, a 50 hua ma ka lalani hookahi?

Ehia pohaku e paa ai ke kahua hale, he 20 kapuai ka loa a he 10 ka laula, he huinaha like ke ano o na pohaku, a 1 kapuai ka loa?

Ina he pa huinaha like 100 anana ka loa; ehia anana ili ma ia pa?

He 10 papa, he 50 kapuai ka loa, a 2 ka laula; ehia kapuai papa?

#### HE WAHI NINAU NO NA KANAKA MAKUA.

Ehia kapuai papa e paa ai ka pa, 40 anana ka loa, a he 30 ka laula, a 5 kapuai ke kiekie?

Ehia kapuai paa pohaku, e paa ai ka pa, he 50 anana ka loa, he 40 ka laula, 6 kapuai ke kiekie, a 3 ka manoanoa?

He 40 kapuai ka loa o kekahi hale pohaku ulaula, he 30 ka laula, he 28 ke kiekie, 2 ka manoanoa; ehia kapuai paa pohaku?

O ka muliwai o Erie, i eliia, 363 mile ka loa, he 30 kapuai ka laula, a 4 hoi ka hohonu; he 10 keneta ka uku no ka eli ana i ka iwilei paa hookahi. Ehia kala i lilo no ka eli ana ia muliwai a pau?

He 82 kapuai ka loa o na kiowai ma ka muliwai o Belaketona, he 10 kapuai ka laula, a he 12 ka hohonu? Ehia kapuai paa wai maloko o kekahi kiowai. A ina he 62½ pouna o ke kapuai paa hookahi, alaila, ehia pouna wai maloko o ke kiowai kookahi?

Awaluno iniha ka loa o ka pohaku ulaula, a 4 ka laula, a 2 ka manoanoa. Ehia pohaku ma ka hale, he 60 kapuai ka loa, he 50 ka laula, he 24 ke kiekie, a 2½ ka manoanoa?

I ke kuai ana i na pohaku ulaula, 1,000 pohaku, 4½ kala. Ehia kala i lilo i ke kuai ana, i puu pohaku, 18½ kapuai ka loa, he 12½ ka laula, a 8½ ke kiekie?

Ehia pohaku ulaula maloko o ka puu pohaku, he 22½ ka loa, a he paailiono like ke ano?

Ehia kala i lilo no ka eli ana i lua, he 50

kapuai ka loa, he 40 ka laula, a 6 ka hohonu?  
9 mile ka uku no ke kapuai paa hookahi.

Ehia kala i lilo i ke kuai ana i aina, 40 ana na ka loa a me na kapuai keu 2; he 35 anana ka laula a me na kapuai keu 4: 3 no keneta ka uku no ke kapuai ili hookahi?

Ehia kala i lilo i ke kuai ana i pepa, i mea e paa ai ke keena, ma na aoao 4, he huinaha-like ke ano, a he 18 ka loa, a he 10½ ke kiekie; he 35 keneta ka uku no ka iwilei pepa hookahi?

Ehia kala i lilo i ke kuai ana i moena lole, e paa ai ke kahua o ka hale, he 24½ kapuai ka loa, a he 19½ ka laula, a \$1.75 ka uku no ka iwilei hookahi?

Ehia kapuai papa e paa ai ka pa mawaho o ka aina, he 86½ anana ka loa, a he 64 ka laula a me na kapuai keu 4, a 5½ kapuai ke kiekie? Ehia hoi kala e lilo i ke kuai ana ia papa, 1 kapuai, 2½ keneta?

He 36 puka aniani ma kekahi hale: 5½ kapuai ke kiekie o kekahi puka, a 3½ ka laula. I ke kuai ana, hookahi kapuai aniani, he 15½ keneta; ehiakala i lilo?

Ua paa kekahi hale ma na aoao elua i ke

pili laau. He 40 kapuai ka loa o kekahi aoao, a he 20 ka laula. He 60 iniha ili ma ke pili hookahi, a he hapakolu wale no o ke pili i kau-ia iwaho. Ehia kala i lilo i ke kuai ana ia pili? Eia ke ano o ke kuai, 1,000 pili, \$3.50.

Ehia kala i lilo i ke kuai ana i ka apa lole paina, he 50 iwilei ka loa, a 2 ka laula? Eia ke ano o ke kuai, 1 kapuai ili, he 35 keneta?

Ehia kala i lilo i ke kuai ana i ka papa no ka hale laau, 40 kapuai ka loa, he 30 ka laula, he 22 ke kiekie o ka pou, a he 34 ke kiekie o ka pou hana? He papa laau wale no, maluna a ma na paia a ma na kala: a o ke kuai ana, 100 kapuai \$1.25?

Ehia kapuai papa e paa ai na pahu he 65, he paailiono like ke ano, 4 kapuai ka loa?

Ehia, ina 8 kapuai ka loa 4 ka laula, a 2 ke kiekie? Ina \$1.25 ke kuai i 100 kapuai papa, ehia kala i pakela kekahi poe pahu mamua o kekahi poe pahu?

He hale pule ma Bosetona, o Kahikolu ka inoa, 120 kapuai ka loa, a 80 ka laula, he 35 ke kiekie, a 2 ka manoanoa. Ehia kala i lilo i ke kuai ana i na pohaku no ia hale, 1 kapuai paa, he 12 keneta? Ehia hoi kala hou i lilo



ina i kalaiia ka ili mawaho o na pohaku a pau  
1 kapuai ili, he 40 keneta?

Maloko o ka busela  $1\frac{1}{2}$  kapuai paa. Ina i  
kuaiia ka hua palaoa, hookahi busela \$1.25.  
Ehia kala i lilo i ke kuai ana i pahu hua pa-  
laoa, he 45 kapuai ka loa, he 24 ka laula, a 6  
ke kiekie?

Ehia kala i lilo i ke kuai ana i puu wahie,  
40 kapuai ka loa, he  $24\frac{1}{2}$  ka laula, a he  $18\frac{1}{2}$  ke  
kiekie, eia hoi ke ano o ke kuai, 128 kapuai  
paa, 5 no kala?

Ehia kala i lilo i ka hana ana i na paia a me -  
na kala o ka hale, he 46 kapuai ka loa, he 34  
ka laula, he 24 ke kiekie,  $2\frac{1}{2}$  ka manoanoa, a  
he 25 keneta ka uku no ke kapuai paa hookahi?

Ehia kala i lilo i ke kuai ana i pepa e paa ai  
na paia eha o ke keena, he huinaha like ke ano,  
a he  $20\frac{1}{2}$  kapuai ka loa, a he  $11\frac{1}{2}$  ke kiekie, a  
he  $37\frac{1}{2}$  keneta i lilo no ka iwilei pepa hookahi?

Ehia pohaku ulaula e paa ai ke alanui he  
 $52\frac{1}{2}$  anana ka loa, a he  $12\frac{1}{2}$  ka laula; 8 no iniha  
ka loa a 4 ka laula o na pohaku?

Ehia kala i lilo i ke kuai ana i puu paakai,  
he 20 kapuai ka loa,  $8\frac{1}{2}$  ka laula, a  $5\frac{1}{2}$  ke kiekie,  
a he  $87\frac{1}{2}$  keneta ka uku no ka busela hookahi?

Ehia kala i lilo i ke kuai ana i ka laau, he 56½ kapuai ka loa, 3½ ka laula, a 2¼ ka manoa-noa, a he 22½ keneta ka uku no ke kapuai hookahi?

Ehia kala i lilo i ke kuai ana i aina, he 45 anana ka loa, a 27½ ka laula, a he \$88,27 ka uku no na anana ili 160?

Ehia kapuai papa e paa ai ka puu ukana, 1000 kapuai paa maloko; eia hoi ke ano o na pahu, 4 kapuai ka loa, 2 ka laula, a 1 ka kiekie? Ehia hoi, ina he paailiono like ke ano, 3 kapuai ka loa?

Ehia kapuai papa e paa ai ke keena, ina 1,000 kapuai paa maloko; a he paailiono like ke ano, he 10 kapuai ka loa o na aoao?

Ehia hoi, ina he 25 ka loa, a 4 ka laula, a he 10 ke kiekie? Ehia hoi kala i pakela aku kekahi keena, mamua o kekahi; i ke kuai ana i na papa, hookahi kapuai papa, 3 keneta?

Ehia kala i lilo i ka hana ana i pa no ke kihapai, he huinaha like ke ano, a he 64 anana ili maloko, a ehia hoi kala i pakela aku, ke hana i pa, he 16 anana ka loa, a 4 ka laula, \$1.25 ka uku no ke anana hookahi?

